

Heimilistrygging

Vátryggingarskilmálar nr. GH10

Um vátrygginguna gilda:

- Vátryggingarskírteinið ásamt áritunum og sérskilmálum.
- Skilmálar þessir nr. GH10.
- Lög um vátryggingarsamninga nr. 30/2004.
- Sameiginlegir skilmálar félagsins nr. YY10.

Ákvæði í vátryggingarskírteini og endurnýjunarkvittun ganga framar ákvæðum í skilmálum. Ákvæði í vátryggingarskírteini, endurnýjunarkvittun og skilmálum ganga framar frávikjanlegum lagaákvæðum.

EFNISYFIRLIT

Blaðsíða

I.	Almennir skilmálar	2
II.	Heimilistrygging	2
	A. Innbú, afnotamissir íbúðarhúsnæðis og svíksamleg notkun greiðslukorts	2
	B. Ábyrgðartrygging einstaklings	7
III.	Innbúskaskó (valkvætt)	9

I. Almennir skilmálar

Almennir skilmálar gilda um alla kafla þessarar tryggingar.

Efnisyfirlit:

1. Sérstakar takmarkanir á bótaskyldu
 2. Brot á varúðarreglum
 3. Greiðsla iðgjalds
 4. Endurgreiðsla iðgjalds
- 1. Sérstakar takmarkanir á bótaskyldu**
- Vátryggingin bætir ekki tjón eða aukningu á tjóni sem beint eða óbeint hlýst af eða er af völdum:
- 1.1 Jarðskjálfta, eldgoss, skriðufalls, snjóflóðs eða annarra náttúruhamfara.
 - 1.2 Styrjalдар, innrásar, hernaðaraðgerða, borgarrósta, uppreisnar, uppþots, verkfalls eða svipaðra aðgerða.
 - 1.3 Kjarnabreytingar, jónandi geislunar, mengunar af geislavirkum efnum, kjarnaeldsneytis eða kjarnaúrgangsefnis.
- 2. Brot á varúðarreglum**
- Skylt er að fara eftir varúðarreglum í skilmálum þessum. Sé varúðarreglum ekki fylgt getur ábyrgð félagsins fallið niður í heild eða að hluta, sbr. 26. gr. laga um vátryggingarsamninga nr. 30/2004.
- 3. Greiðsla iðgjalds**
- 3.1 Iðgjald fyrir vátrygginguna fellur í gjalddaga þegar greiðslu þess er krafist.
 - 3.2 Vanskil á greiðslu iðgjalds geta valdið réttindamissi og niðurfellingu vátryggingarsamnings, sbr. 33. gr. laga um vátryggingarsamninga nr. 30/2004.
- 4. Endurgreiðsla iðgjalds**
- Falli vátryggingarsamningur úr gildi áður en vátryggingartímabili lýkur endurgreiðir félagið iðgjald í hlutfalli við þann tíma sem vátryggður hefur greitt fyrir og vátryggingin er ekki í gildi. Þetta gildir þó ekki ef vátryggingarsamningur hefur fallið úr gildi vegna þess að félagið hefur fullnægt skyldum sínum með því að greiða vátryggingarfjárhæð innbús að fullu vegna bótaskylds tjóns.

II Heimilistrygging

Efnisyfirlit:

- A. Innbú, afnotamissir íbúðarhúsnæðis og sviksamleg notkun greiðslukorts**
1. Vátryggðir hagsmunir
 2. Vátryggður og meðvátryggður
 3. Vátryggingin gildir
 4. Bótasvið
 5. Samsömun
 6. Vátryggingarfjárhæð
 7. Eigin áhætta
 8. Ákvörðun bóta
 9. Undirtrygging
 10. Tvítrygging
- B. Ábyrgðartrygging**
11. Vátryggður og meðvátryggður
 12. Vátryggingin gildir
 13. Ábyrgðartími
 14. Bótasvið
 15. Varúðarreglur
 16. Vátryggingarfjárhæð
 17. Eigin áhætta
 18. Ákvörðun bóta fyrir líkamstjón
 19. Ákvörðun bóta fyrir munatjón
 20. Staða tjónþola við tjón
 21. Meðferð bótakrafna
- A. Innbú, afnotamissir íbúðarhúsnæðis og sviksamleg notkun greiðslukorts**
- 1. Vátryggðir hagsmunir**
- Vátryggingin tekur til:
- 1.1 Innbús sem er í eigu vátryggðu.
- Með innbúi er átt við:
- 1.1.1. Almennt innbú og persónulega muni sem fylgja almennu heimilishaldi. Úr og skartgripir bætast með allt að 5% af vátryggingarfjárhæð, enda séu þessir munir á skráðu lögheimili vátryggingartaka þegar vátryggingaratburður verður.
- Lausafjármunir sem eiga að tilheyra brunabótamati húseignar skv. lögum og reglugerðum, geta aldrei fallið undir skilgreininguna almennt innbú í þessari vátryggingu.
- 1.1.2. Sérgreint innbú, þ.e. peninga, verðbréf, handrit, frumteikningar, mynt- og frímerkjasöfn sem bætast með allt að 1% af vátryggingarfjárhæð innbúsins hver liður, enda séu þessir munir á skráðu lögheimili vátryggingartaka þegar vátryggingaratburður verður.

1.2 Glæraugna, gervitanna og heyrnartækja í eigu og notuð eru af hinum vátryggðu.

1.3 Verkfæra, varahluta og áhalda er vátryggður á og notar sjálfur í atvinnu sinni, sem bætast með allt að 5% af vátryggingarfjárhæð, enda séu þessir munir á skráðu lögheimili vátryggingartaka þegar vátryggingaratburður verður.

1.4 Eins umgangs sumar- eða vetrarhjólabarða undir hvern einkabíl sem skráður er á vátryggðu og geymdir eru í bílskúr eða annarri geymslu.

1.5 Auka- og varahluta sem tilheyra vélknúnu ökutæki, hjólhýsi, fellihýsi, tjaldvagni eða skemmtibát í eigu vátryggðu og eru til einkaafnota, geymd í bílskúr eða annarri geymslu tilheyrandi lögheimili vátryggingartaka. Hámarksbætur eru 2% af vátryggingarfjárhæð í hverjum tjónsatburði.

2. Vátryggður og meðvátryggðir

2.1 Vátryggingartaki er vátryggður.

2.2 Meðvátryggður eru maki eða sambúðarmaki vátryggingartaka og ógift börn þeirra, þ.m.t. fósturbörn, enda hafa þau sama lögheimili á Íslandi og vátryggingartaki, sameiginlegt heimilishald og búa á sama stað.

3. Vátryggingin gildir

Vátryggingin gildir á skráðu lögheimili vátryggingartaka en tekur þó einnig til almenns innbús, sbr. gr. 1.1.1, sem um stundarsakir er utan lögheimilis vátryggingartaka héraendis, en vátrygging á slíkum hlutum takmarkast þó við 15% af vátryggingarfjárhæðinni.

4. Bótasvið

4.1 Eldsvoði, elding og sprenging

Vátryggingin bætir tjón af völdum:

4.1.1 Eldsvoða. Það telst ekki eldsvoði þegar hlutir sviðna eða bráðna ef eldur er ekki laus.

4.1.2 Eldingar.

4.1.3 Sprengingar.

Vátryggingin bætir ekki:

4.1.4 Tjón sem verður vegna vinnu með sprengiefni við verklegar framkvæmdir.

Varúðarregla:

4.1.5 Vátryggður skal sjá til þess að munir séu ekki settir í hættu frá eldi eða hita.

4.2 Sótfall

Vátryggingin bætir tjón af völdum:

4.2.1 Sótfalls sem verður skyndilega og óvænt frá viðurkenndu kynditæki eða eldstæði.

Vátryggingin bætir ekki tjón af völdum:

4.2.2 Sóts eða reyks sem safnast hefur smám saman fyrir við notkun.

4.3 Slökkvi- og björgunaraðgerðir

Vátryggingin bætir:

4.3.1 Tjón af völdum slökkvi- og björgunaraðgerða þegar markmið með ráðstöfununum er að forðast eða takmarka tjón sem fellur undir vátrygginguna og ráðstafanirnar teljast sérstakar og réttlætanager.

4.3.2 Nauðsynlegan flutning á innbúi í sambandi við bótaskyld tjón.

4.3.3 Muni sem glatast við ofangreindar aðgerðir.

4.4 Vatn, gufa og olía

Vátryggingin bætir tjón af völdum:

4.4.1 Vatns, gufu og olíu sem óvænt og skyndilega streymir úr leiðslum hússins og á upptök innan veggja hússins.

4.4.2 Vatns sem streymir óvænt og skyndilega úr vatnsrúmum eða fiskabúrum vegna bilana.

4.4.3 Vatns sem flæðir úr hreinlætistækjum vegna mistaka eða bilana á tækjunum.

4.4.4 Leka frá frystikistum og kælikápum, þó ekki á tækjunum sjálfum ef þau eru eldri en 5 ára.

4.4.5 Yfirborðsvatns sem orsakast af skyndilegu úrhelli eða asahláku og vatnsmagn verður svo mikið að frárennislíðslur ná ekki að flytja það frá. Hafa skal til hliðsjónar við ákvörðun bótaskyldu hvort almennt eignatjón hafi orðið á tjónssvæðinu af völdum úrhellis- og/eða asahláku er vátryggingaratburðurinn átti sér stað.

Vátryggingin bætir ekki tjón af völdum:

4.4.6 Utanaðkomandi vatns, svo sem grunnvatns, úrkomu, flóða, sjávarfalla eða vatns frá svölum, þökum, þakrennum eða frárennislíðslum þeirra.

4.4.7 Vatns sem þrýstist upp úr skolp- eða frárennislíðslum eða ef skolpleiðslur geta

skyndilega ekki flutt allt það vatn er að berst, þó með þeirri undantekningu ef leiðsla stíflast eða springur innanhúss.

Varúðarreglur:

- 4.4.8 Vátryggður skal sjá til þess að lokað sé fyrir vatnsaðstreymi í úpphituðu húsi og vatnslagnir tæmdar þegar hætta er á frosti til að fyrirbyggja frostskemdir.
- 4.4.9 Vátryggður skal sjá til þess að niðurföll séu í lagi með því að hreinsa frá þeim til að fyrirbyggja söfnun yfirborðsvatns.

4.5 Þjófnaður

Vátryggingin bætir tjón vegna:

- 4.5.1 Þjófnaðar úr íbúðarhúsnæði eða geymslu tilheyrandi lögheimili vátryggingartaka. Ef íbúðarhúsnæði er ólæst en ekki mannaust eru hámarksbætur 5% af vátryggingarfjárhæðinni og tekur við slíkar aðstæður ekki til þjófnaðar á peningum, verðbréfum, úrum, skartgripum, handritum, frumteikningum, mynt- eða frímerkjasöfnum.
- 4.5.2 Þjófnaðar úr bifreið, einkabáti, einkalofftari, bílskúr eða geymslu utan íbúðarhúsnæðis, með allt að 5% af vátryggingarfjárhæðinni. Þó takmarkast bætur vegna þjófnaðar á geisladiskum við allt að 1% af vátryggingarfjárhæðinni.
- 4.5.3 Þjófnaðar úr sumarhúsi, hjólhúsi og veiðihúsi.
- 4.5.4 Þjófnaðar úr grunnskóla, með allt að 5% af vátryggingarfjárhæðinni. Ákvæði þetta á eingöngu við um þjófnað á munum í eigu grunnskólanemenda og gildir einnig í ípróttahúsum og á sundstöðum á vegum grunnskólans þegar nemendur eru í umsjá kennara.
- 4.5.5 Þjófnaðar á reiðhjóli, léttu bifhjóli í flokki I skv. Skilgreiningu umferðalaga, barnavagni og barnakerru. Greiðsluskylda félagsins miðast við allt að 1% af vátryggingarfjárhæð, nema framvísað sé ábyrgðarskírteini eða greiðslukvittun sem sannar hærra verðmæti hinna vátryggðu hluta.
- 4.5.6 Skemmda á íbúð vátryggðu sökum innbrots, að undanskildum brotnum rúðum, með allt að 5% af vátryggingarfjárhæðinni.

Varúðarreglur:

- 4.5.7 Læsa skal íbúðarhúsum, sumarhúsum, veiðihúsum, hjólhúsum, bílskúrum, geymslum, bifreiðum, bátum og lofförum og loka öllum

gluggum og krækja aftur. Vátryggður skal sjá til þess að ekki sé skilið við ólæst og mannaust íbúðarhúsnæði.

- 4.5.8 Vátryggður skal læsa reiðhjóli og léttu bifhjóli í flokki I þegar hann skilur við það og geyma skal lykla á öruggum stað.

- 4.5.9 Ekki skal skilja annað en fatnað eftir í fatahengjum eða fataskápum í grunnskóla eða öðru húsnæði tilheyrandi grunnskólakennslu, svo sem ípróttahúsum og sundstöðum.

4.6 Rán

Vátryggingin bætir tjón af völdum ráns þegar hinir vátryggðu munir eru teknir með líkamlegu ofbeldi eða hótun um að beita því þegar í stað, sbr. 252. gr. almennra hegningarlaga nr. 19/1940.

4.7 Skemmdarverk

Vátryggingin bætir tjón af völdum:

- 4.7.1 Skemmdarverka sem unnin eru af ásetningi. Vátryggingin bætir ekki tjón af völdum skemmdarverka:
- 4.7.2 Vátryggðs sjálfs.
- 4.7.3 Maka vátryggðs.
- 4.7.4 Einstaklings sem vátryggður býr með í föstu varanlegu sambandi.
- 4.7.5 Á munum sem voru utan dyra annars staðar en við lögheimili vátryggðs.

4.8 Brot eða hrun

Vátryggingin bætir tjón af völdum:

- 4.8.1 Brots eða hruns á innbúi á lögheimili vátryggðu vegna tilfallandi bilana.

Vátryggingin bætir ekki tjón:

- 4.8.2 Á verkfærum, gleraugum, gervitönnum, heyrnatækjum og úrum sem verða vegna brots eða hruns.
- 4.8.3 Af völdum vökva sem hellist niður við brot eða hrun.
- 4.8.4 Vegna brots eða hruns af manna völdum.
Varúðarregla:
- 4.8.5 Vátryggður skal gæta þess að munir séu rétt og tryggilega festir samkvæmt notkunarleiðbeiningum.

4.9 Umferðaróhapp

Vátryggingin bætir tjón af völdum umferðaróhapps á innbúi sem er inni í bifreiðinni sjálfri.

4.10 Suða (ofhitun)

Vátryggingin bætir tjón:

- 4.10.1 Á þvotti sem ofhitnar í þvottavél eða þurrkara ef tjónið stafar af bilun í þvottavélinni eða þurrkaranum. Til staðfestingar á því að um bilun hafi verið að ræða skal vátryggður leggja fram reikning fyrir viðgerð ásamt bilunarlýsingu viðgerðarmanns.

Varúðarregla:

- 4.10.2 Vátryggður skal sjá til þess að notkun á þvottavél og þurrkara sé í samræmi við notkunarleiðbeiningar.

4.11 Ófyrirséð stöðvun á kælikerfi frystikistu eða kæliakáps

Vátryggingin bætir tjón:

- 4.11.1 Á matvælum vegna ófyrirséðrar stöðvunar á kælikerfi frystikistu eða kæliakáps, enda leiði það til eyðileggingar á matvælum sem í þeim eru. Bætur geta numið allt að 2% af vátryggingarfjárhæðinni.
- 4.11.2 Á frystikistunni eða kæliakápnum sjálfum vegna ófyrirséðrar stöðvunar á kælikerfi tækisins ef það er yngra en 5 ára og ábyrgð seljanda nær ekki til tjónsins.

Varúðarregla:

- 4.11.3 Vátryggður skal sjá til þess að notkun tækja sem undir þennan tölulið falla sé í samræmi við notkunarleiðbeiningar.

4.12 Skammhlaup

Vátryggingin bætir tjón:

- 4.12.1 Vegna skemmda á rafmagnstækjum sem rekja má til skammhlaups í þeim.

Vátryggingin bætir ekki tjón:

- 4.12.2 Á tækjum sem eru eldri en 10 ára.
- 4.12.3 Sem ábyrgð seljanda viðkomandi tækja nær til.
- 4.12.4 Sem rekja má til bilunar hjá rafmagnsveitu og veldur spennubreytingu.

Varúðarregla:

- 4.12.5 Vátryggður skal sjá til þess að notkun rafmagnstækja sem falla undir þennan tölulið sé í samræmi við notkunarleiðbeiningar.

4.13 Skyndilegur snjóþungi

Vátryggingin bætir tjón af völdum:

- 4.13.1 Skyndilegs snjóþunga sem sligað hefur þak eða veggí húseignar.

Vátryggingin bætir ekki tjón:

- 4.13.2 Sem rekja má til byggingargalla.

4.14 Óveður

Vátryggingin bætir tjón af völdum óveðurs þegar vindhraði nær 28,5 metrum á sekúndu. Til óveðurstjóna á innbúi teljast eingöngu þau tjón sem verða þegar vindur hefur rofið þak, glugga eða aðra hluta hússins. Séu ekki fáanlegar viðurkenndar upplýsingar um vindhraða á tjónsstað er tjónið varð skal hafa til hliðsjónar við ákvörðun bótaskyldu hvort almennt eignatjón hafi orðið á svæðinu af völdum veðurs er vátryggingaratburðurinn átti sér stað.

4.15 Loffför

Vátryggingin bætir tjón af völdum lofffara og hluta sem frá þeim falla.

4.16 Afnotamissir íbúðarhúsnæðis

- 4.16.1 Félagið greiðir bætur þegar íbúðarhúsnæði skemmist af bótaskyldum tjónsatburði úr vátryggingu þessari og viðgerð er svo umfangsmikil að óhjákvæmilegt er að flytja úr húsnæðinu.
- 4.16.2 Bæturnar nema meðalleigu sambærilegs húsnæðis að stærð og ástandi, á þeim stað og tíma sem um er að ræða. Bætur fyrir hvern mánuð verða þó aldrei hærrí en 0,8% af brunabótamati húseignarinnar.
- 4.16.3 Bæturnar greiðast í allt að 6 mánuði frá tjónsdegi, en þó ekki lengur en sem svarar eðlilegum viðgerðartíma með tilliti til skemmda.

4.17 Svksamleg notkun greiðslukorts

- 4.17.1 Hafi greiðslukort vátryggðs tapast og óviðkomandi notað það með svksamlegum hætti og af því hlýst tjón greiðir félagið bætur, enda fáist tjónið ekki bætt hjá viðkomandi greiðslukortafyrirtæki.

4.17.2 Bætur á hverju vátryggingartímabili geta orðið allt að 4% af vátryggingarfjárhæð innbús.

Varúðarregla:

4.17.3 Vátryggðum ber að fara í einu og öllu eftir reglum viðkomandi greiðslukortafyrirtækis og tilkynna því hvarfið tafarlaust.

5. Samsömun

Við ákvörðun bótaábyrgðar áskilur félagið sér rétt til að bera fyrir sig háttsemi maka vátryggðs og manns sem hann býr með í föstu varanlegu sambandi, sbr. 29. gr. laga um vátryggingarsamninga nr. 30/2004.

6. Vátryggingarfjárhæð

6.1 Vátryggingarfjárhæð nemur fjárhæð þeirri er kemur fram í vátryggingarskírteini eða endurnýjunarkvittun.

6.2 Upphæð vátryggingarfjárhæðar er ekki sönnun fyrir verðmæti hinna vátryggðu hagsmuna.

6.3 Vátryggingarfjárhæð breytist samkvæmt vísitölu neysliverðs án húsnæðis.

7. Eigin áhætta

7.1 Af hverju tjóni ber vátryggingartaki eigin áhættu sem tiltekin er í vátryggingarskírteini eða endurnýjunarkvittun. Eigin áhætta vegna þjófnaðar á reiðhjól og léttu bifhjól í flokki I skv. grein 9.5.5 er 25% í hverju tjóni, þó aldrei lægri en eigin áhætta sem gildir í innbúslíð vátryggingarinnar.

7.2 Þegar tilgreindar eru í % hámarksbætur af vátryggingarfjárhæð innbús er átt við bætur þegar búið er að draga eigin áhættu frá.

7.3 Fjárhæð eigin áhættu breytist samkvæmt vísitölu neysliverðs án húsnæðis.

8. Ákvörðun bóta

8.1 Bætur skulu miðaðar við verðmæti á tjónsdegi á nýjum hlut, sambærilegum þeim sem skemmdist. Félaginu er heimilt að draga frá bótum verðrýrnun vegna aldurs, notkunar og annarra atriða sem geta haft áhrif á verðmæti hlutarins.

8.2 Félagið getur annað hvort greitt áætlaðan viðgerðarkostnað eða ráðstafað hlutnum til viðgerðar og greitt viðgerðarkostnað, ef unnt er að gera við hlutinn þannig að hann verði í svipuðu ástandi og fyrir tjón og það borgar sig að mati félagsins.

8.3 Félagið getur greitt bætur í peningum eða útvegað sambærilegan hlut og varð fyrir tjóninu

að teknu tilliti til verðrýrnunar samkvæmt gr. 8.1, ef hluturinn skemmist það mikið að ekki er unnt að gera við hann eða það borgar sig ekki að mati félagsins. Hafi félagið greitt bætur samkvæmt þessari grein áskilur það sér rétt til að gera tilkall til hlutarins sem skemmdist.

8.4 Félagið hefur rétt til að greiða mismun á verðmæti hlutarins sem skemmdist eins og það var fyrir vátryggingaratburð og verðmæti eftir vátryggingaratburð.

8.5 Þrátt fyrir gr. 8.1 geta afskriftir af eftirfarandi hlutum ekki orðið hærri en fram kemur í töflunni hér á eftir. Afskriftir geta aldrei orðið hærri en 70%, sbr. þó 8.5.1 og 8.5.2.

Tegund Ár án afskrifta Afskr. á ári

Tegund	Ár án afskrifta	Afskr. á ári
Fatnaður	1 ár	20%
Húsgögn	1 ár	10%
Hljómflutningstæki	1 ár	10%
Myndavélar	1 ár	20%
Sjónvörp og spilarar	1 ár	20%
Reiðhjól og léttbifhj. í fl. I	1 ár	10%
Skíða- og viðlegubúnaður	1 ár	20%
Gleraugu	1 ár	10%
Heyrnatæki	1 ár	20%
Þráðlausir hátalarar	1 ár	20%
Önnur rafmagnstæki	1 ár	10%

8.5.1 Eftirtaldir munir afskrifast að fullu eftir 2 ár:

Tegund	Afskrifast á	Afskriftir %
Snjallsímar og aðrir farsímar ásamt fylgihlutum	6 mán. fresti	25%

8.5.2 Eftirtaldir munir afskrifast að fullu eftir 5 ár:

Tegund	Afskrifast á	Afskriftir %
Spjaldtölvur og lófátölvur ásamt fylgihlutum	12 mán. fresti	25%
Borðtölvur og fartölvur ásamt fylgihlutum	12 mán. fresti	25%

- 8.6 Bætur vegna tjóns á hljóð- og myndritum takmarkast við andvirði óritaðs disks, bands eða filmu að teknu tilliti til eðlilegra afskrifta. Þó greiðast bætur vegna útgefningu hljóð- og myndrita og miðast þá við kaupverð að teknu tilliti til eðlilegra afskrifta.
- 8.7 Tölvugögn og hugbúnaður bætist ekki.
- 8.8 Minjagildi bætist ekki.
- 8.9 Vátryggður skal ekki hagnast á vátryggingarburði. Vátryggingin skal einungis bæta raunverulegt tjón vátryggðs.
- 8.10 Stolnir munir sem koma fram eftir að félagið hefur bætt tjónið eru eign félagsins og skal þeim skilað til þess. Vátryggður getur þó haldið muninum ef hann óskar þess með því að endurgreiða bæturnar.

9. Undirtrygging

Sé heildarverðmæti vátryggðra muna meira en vátryggingarfjárhæð bætist tjón hlutfallslega.

10. Tvítrygging

- 10.1 Ef sama tjón fellur undir fleiri en eina vátryggingu getur vátryggður valið hvaða vátryggingu hann vill nota þar til hann hefur fengið þær bætur sem hann á kröfu til.
- 10.2 Ef fleiri en eitt vátryggingarfélag bera ábyrgð á tjóni samkvæmt gr. 10.1 skulu þau, sé ekki um annað samið, greiða bætur hlutfallslega eftir ábyrgð hvers þeirra um sig á tjóninu.

B. Ábyrgðartrygging

Inngangur

Samkvæmt íslenskum lögum bera menn skaðabótaábyrgð á tjóni sem þeir valda öðrum með saknæmum og ólögum hætti. Þessi regla er nefnd sakarregla og er grundvallarregla í íslenskum rétti. Ef sá sem sóttur er til greiðslu skaðabóta á ekki sök á tjóninu ber hann almennt ekki skaðabótaábyrgð.

Hlutverk ábyrgðartryggingar er að greiða skaðabætur fyrir vátryggðan ef hann hefur bakað sér skaðabótaábyrgð, að því leyti sem tjónþoli á ekki að bera tjón sitt sjálfur vegna meðsakara eða meðábyrgðar, og einnig greiða kostnað sem vátryggður verður fyrir ef skaðabótakrafa er gerð á hendur honum.

Þar sem skaðabótaábyrgð er oft flókið lögfræðilegt úrlausnarefni ber vátryggðum að leita samráðs við félagið um réttarstöðu sína ef hann er krafinn skaðabóta vegna tjóns sem

hann er talinn eiga sök á. Jafnframt er vátryggðum bent á að lesa skilmálana með þetta í huga.

Viðurkenning vátryggðs á skaðabótaskyldu skuldbindur aðeins hann sjálfan, en ekki félagið. Vátryggður getur því með slíkri viðurkenningu átt það á hættu að greiða sjálfur skaðabætur vegna tjóns sem ábyrgðartryggingin tekur ekki til.

11. Vátryggður og meðvátryggðir

- 11.1 Vátryggingartaki er vátryggður.
- 11.2 Meðvátryggður eru maki eða sambúðarmaki vátryggingartaka og ógift börn þeirra, þ.m.t. fósturbörn, enda hafa þau sama lögheimili á Íslandi og vátryggingartaki, sameiginlegt heimilishald og búa á sama stað.

12. Vátryggingin gildir

Vátryggingin gildir á Íslandi og á ferðalagi erlendis í allt að 92 daga talið frá brottfarardeggi frá Íslandi.

13. Ábyrgðartími

- 13.1 Vátryggingin tekur til vátryggingarburðar sem verður á vátryggingartímabilinu.
- 13.2 Komi afleiðingar atviks sem tjón hefur hlotist af og gerst hefur á vátryggingartímabilinu ekki í ljós fyrr en vátryggingin er fallin úr gildi greiðir félagið samt sem áður bætur.
- 13.3 Félagið greiðir ekki bætur fyrir tjón vegna atviks sem varð áður en vátryggingartímabilið hófst, enda þótt tjónið komi ekki í ljós fyrr en á vátryggingartímabilinu.

14. Bótasvið

Vátryggingin bætir:

- 14.1 Beint líkams- eða munatjón þriðja manns vegna skaðabótaábyrgðar vátryggðs sem fellur á hann sem einstakling samkvæmt íslenskum lögum. Með munum er átt við fasteign og lausafé, þ.m.t. dýr. Vátryggingin bætir slík tjón að því leyti sem tjónþoli á ekki að bera tjónið sjálfur vegna meðsakara eða meðábyrgðar.
- 14.1.1 Þrátt fyrir gr. 14.7.1 nær ábyrgðartryggingin yfir létt bifhjól í flokki I og reiðhjól sem eru ekki vátrygginarskyld skv. umferðarlögum.
- 14.2 Án tillits til skaðabótaábyrgðar að lögum beint líkams- eða munatjón þriðja manns sem börn vátryggingartaka, maka hans eða sambúðarmaka, yngri en 10 ára valda. Með munum er átt við fasteign og lausafé, þ.m.t. dýr.

Vátryggingin bætir slík tjón að því leyti sem tjónþoli á ekki að bera tjónið sjálfur vegna meðsakar eða meðábyrgðar. Vátryggingavernd skv. grein þessari gildir ekki, þegar barn er aðili að umferðartjóni og tjón verður á skráningarskyldu ökutæki í notkun.

Vátryggingin bætir ekki:

- 14.3 Tjón innan samninga, þ.e. tjón sem vátryggður ber ábyrgð á vegna vanefnda á samningi.
- 14.4 Tjón sem hinir vátryggðu valda hverjir öðrum.
- 14.5 Tjón sem verður vegna atvinnu vátryggðs, hvort sem um er að ræða eigin atvinnurekstur eða arðbæra vinnu í þjónustu annarra. Með atvinnu er einnig átt við hvers konar aukastörf sem vátryggður vinnur gegn endurgjaldi.
- 14.6 Tjón á munum sem vátryggður hefur til afnota, til geymslu eða eru af öðrum orsökum í hans vörslu.
- 14.7 Tjón sem vátryggður ber ábyrgð á vegna skaðabótaábyrgðar hans sem eiganda eða notanda:
 - 14.7.1 Fasteigna, loftfara, báta, vélknúinna farartækja eða vinnuvéla.
 - 14.7.2 Skotvopna.
 - 14.7.3 Hesta, hunda, annarra húsdýra eða gæludýra.Áhættu samkvæmt gr. 14.7 er hægt að vátryggja sérstaklega.
- 14.8 Tjón á munum stafi það af eldsvoða, vatni vegna slökkvistarfs, reyk, sóti eða sprengingu.
- 14.9 Sektir, málskostnað eða önnur útgjöld í sambandi við refsímál.
- 14.10 Tjón sem verður sökum mengunar lofts, jarðar, gróðurs, sjávar eða vatns. Félagið bætir þó þess háttar tjón ef það verður rakið til eins skyndilegs atburðar.
- 14.11 Tjón vegna langvarandi raka eða vatnsleka.
- 14.12 Tjón sem rekja má til asbests eða efnis sem inniheldur asbest að einhverju leyti.

15. Varúðarreglur

Vátryggðum ber að fara í einu og öllu eftir þeim lögum og reglum sem gilda á hverjum tíma um framleiðslu, afhendingu, flutning, geymslu eða varðveislu sprengiefna, eiturs eða annarra álíka hættulegra efna.

16. Vátryggingarfjárhæð

- 16.1 Ábyrgð félagsins vegna hvers einstaks vátryggingaratburðar takmarkast við vátryggingarfjárhæð sem tilgreind er í vátryggingarskírteini eða endurnýjunarkvittun. Verði fleiri en eitt tjónsatvik af sömu orsök teljast þau vera af völdum eins vátryggingaratburðar.
- 16.2 Kostnaður sem til er stofnað með samþykki félagsins til þess að skera úr um bótaskyldu vátryggðs og vextir af bótafjárhæð greiddast, enda þótt greiðsla félagsins fari af þeim sökum fram úr vátryggingarfjárhæðinni.
- 16.3 Sé vátryggingarfjárhæðin lægri en höfuðstóll bótafjárhæðar greiðist aðeins sá hluti kostnaðar og vaxta er svarar til bótafjárhæðar þeirrar sem félaginu ber að greiða. Utan Norðurlanda takmarkast bótaskyldan við vátryggingarfjárhæðina.
- 16.4 Vátryggingarfjárhæð breytist samkvæmt vísitölu neysluverðs.

17. Eigin áhætta

- 17.1 Af hverju tjóni ber vátryggingartaki eigin áhættu sem tiltekin er í vátryggingarskírteini eða endurnýjunarkvittun.
- 17.2 Nái höfuðstóll bótafjárhæðar ekki lágmarki eigin áhættu greiðir félagið ekki heldur kostnað þótt krafan og kostnaðurinn verði samanlagt hærri en fjárhæð eigin áhættu.
- 17.3 Eigin áhætta breytist miðað við breytingu á vísitölu neysluverðs.

18. Ákvörðun bóta fyrir líkamstjón

Vátryggingin greiðir bætur fyrir líkamstjón þriðja manns á grundvelli skaðabótalaga nr. 50/1993.

19. Ákvörðun bóta fyrir munatjón

- 19.1 Bætur skulu miðaðar við verðmæti á tjónsdegi.
- 19.2 Félagið getur annað hvort greitt áætlaðan viðgerðarkostnað eða látið gera við það sem skemmdist og greitt viðgerðarkostnað, ef unnt er að gera við það sem skemmdist þannig að það verði í svipuðu ástandi og fyrir tjón og það borgar sig að mati félagsins.
- 19.3 Félagið getur greitt bætur í peningum eða útvegað sambærilegan hlut og varð fyrir tjóninu, ef ekki er unnt að gera við það sem skemmdist eða það borgar sig ekki að mati félagsins. Hafi félagið greitt bætur samkvæmt þessari grein áskilur það sér rétt til að gera tilkall til þess sem skemmdist.

- 19.4 Félagið hefur rétt til að greiða mismun á verðmæti þess sem skemmdist eins og það var fyrir vátryggingaraburð og verðmæti eftir vátryggingaraburð.
- 19.5 Vátryggður skal ekki hagnast á vátryggingaraburði. Vátryggingin skal einungis bæta raunverulegt tjón vátryggðs.

20. Staða tjónpola við tjón

- 20.1 Ef vátrygging tekur til tjóns vátryggðs vegna skaðabótaábyrgðar sem hann ber getur tjónpóli krafist bóta beint frá félaginu. Félaginu og vátryggðum er skylt að upplýsa tjónpola um ábyrgðartryggingu sé hún fyrir hendi.
- 20.2 Ef fram kemur krafa um bætur á hendur félaginu skal tilkynna það vátryggðum án ástæðulauss dráttar og veita honum upplýsingar um meðferð kröfunnar. Viðurkenning félagsins á atriðum sem lúta að ábyrgð er ekki bindandi fyrir vátryggðan.
- 20.3 Nú tilkynnir tjónpóli félaginu að hann hyggist höfða mál á hendur því og getur það þá krafist þess að hann beini málshöfðuninni einnig gegn vátryggðum. Skal félagið tilkynna tjónpola um þá kröfu sína án ástæðulausrar tafar og á sannanlegan hátt.
- 20.4 Um stöðu tjónpola að öðru leyti vísast til 44. gr. laga um vátryggingarsamninga nr. 30/2004.

21. Meðferð bótakrafna

- 21.1 Vátryggður má ekki viðurkenna bótaskyldu sína eða gera samninga um bætur án samþykkis félagsins.
- 21.2 Félagið kemur fram fyrir hönd hinna vátryggðu og ræður málsmeðferð allri og annast málsmeðferð fyrir dómstólum ef á reynir. Sama gildir um kröfur um laun fyrir þjörgun eða aðstoð.

III. Innbúskaskó

Vátryggingin er innifalin ef hún er tilgreind í vátryggingarskírteini eða endurnýjunarkvittun.

Efnisyfirlit:

1. Vátryggðir hagsmunir
2. Vátryggður og meðvátryggðir
3. Vátryggingin gildir
4. Bótasvið
5. Varúðarreglur
6. Samsömun
7. Vátryggingarfjárhæð
8. Eigin áhætta
9. Ákvörðun bóta
10. Tvítrygging

Inngangur

Vátryggingin bætir tjón á innbúi sem er ekki bótaskyldt samkvæmt innbúskafla heimilis-tryggingarinnar. Vátryggingin tekur ekki til tjóns sem er bótaskyldt samkvæmt sömu vátryggingu jafnvel þó að fullar bætur fái ekki greiddar.

1. Vátryggðir hagsmunir

Vátryggingin tekur til almenns innbús og persónulegra muna sem fylgja almennu heimilishaldi, sbr. gr. 1.1.1 og 1.1.2 í innbúskafla heimilistryggingarinnar.

2. Vátryggður og meðvátryggðir

- 2.1 Vátryggingartaki er vátryggður.
- 2.2 Meðvátryggður eru maki eða sambúðarmaki vátryggingartaka og ógift börn þeirra, þ.m.t. fósturbörn, enda hafa þau sama lögheimili á Íslandi og vátryggingartaki, sameiginlegt heimilishald og búa á sama stað.

3. Vátryggingin gildir

Vátryggingin gildir á Íslandi.

4. Bótasvið

Vátryggingin bætir:

- 4.1 Vátryggingin bætir tjón af völdum skyndilegra og ófyrirsjáanlegra utanaðkomandi atvika á vátryggingartímabilinu, sem eru ekki bótaskyld samkvæmt öðrum ákvæðum fjölskyldutryggingarskilmálans eða eru undanskilin samkvæmt gr. 4.2 til 4.7 hér á eftir.

Vátryggingin bætir ekki:

- 4.2 Tjón sem rekja má til eðlilegs slits, svo og tjón sem eingöngu veldur útlitsgalla en rýrir ekki notagildi hins vátryggða.
- 4.3 Tjón sem rekja má til galla, rangrar samsetningar eða innri bilana, svo sem vélrænna bilana.
- 4.4 Tjón sem orsakast af snöggum hita- og/eða rakabreytingum
- 4.5 Tjón sem rekja má til myglu.
- 4.6 Tjón vegna þjófnaðar.
- 4.7 Tjón vegna dýra

5. Varúðarreglur

- 5.1 Vátryggður skal fara að fyrirmælum framleiðanda hvað varðar meðhöndlun, notkun og viðhald hins vátryggða.
- 5.2 Vátryggður skal loka gluggum, krækja þá aftur og læsa híbýlum, bílum, bátum og öðrum stöðum þar sem hinir vátryggðu munir eru skildir eftir.
- 5.3 Vátryggður skal ekki skilja við hina vátryggðu muni eftirlitslausa á almannafæri og gæta þess að taka þá með þegar staður er yfirgefinn.

6. Samsömun

Við ákvörðun bótaábyrgðar áskilur félagið sér rétt til að bera fyrir sig háttsemi maka vátryggðs og manns sem hann býr með í föstu varanlegu sambandi, sbr. 29. gr. laga um vátryggingarsamninga nr. 30/2004.

7. Vátryggingarfjárhæð

- 7.1 Hámarksbætur vegna hvers einstaks tjóns svo og hámarksbætur á vátryggingartímabilinu, koma fram í vátryggingarskírteini eða endurnýjunarkvittun.
- 7.2 Vátryggingarfjárhæð breytist samkvæmt vísitölu neysliverðs án húsnæðis.

8. Eigin áhætta

- 8.1 Af hverju tjóni ber vátryggingartaki eigin áhættu sem tiltekin er í vátryggingarskírteini eða endurnýjunarkvittun.
- 8.2 Fjárhæð eigin áhættu breytist samkvæmt vísitölu neysliverðs án húsnæðis.

9. Ákvörðun bóta

- 9.1 Bætur skulu miðaðar við verðmæti á tjónsdegi á nýjum hlut, sambærilegum þeim sem skemmdist. Félaginu er heimilt að draga frá bótum verðyrnun vegna aldurs, notkunar og annarra atriða sem geta haft áhrif á verðmæti hlutarins.
- 9.2 Félagið getur annað hvort greitt áætlaðan viðgerðarkostnað eða ráðstafað hlutnum til viðgerðar og greitt viðgerðarkostnað, ef unnt er að gera við hlutinn þannig að hann verði í svipuðu ástandi og fyrir tjón og það borgar sig að mati félagsins.

9.3 Félagið getur greitt bætur í peningum eða útvegað sambærilegan hlut og varð fyrir tjóninu að teknu tilliti til verðyrnunar samkvæmt gr. 9.1, ef hluturinn skemmist það mikið að ekki er unnt að gera við hann eða það borgar sig ekki að mati félagsins. Hafi félagið greitt bætur samkvæmt þessari grein áskilur það sér rétt til að gera tilkall til hlutarins sem skemmdist.

9.4 Félagið hefur rétt til að greiða mismun á verðmæti hlutarins sem skemmdist eins og það var fyrir vátryggingaratburð og verðmæti eftir vátryggingaratburð.

9.5 Bætur vegna tjóns á hljóð- og myndritum takmarkast við andvirði óritaðs disks, bands eða filmu að teknu tilliti til eðlilegra afskrifta. Þó greiðast bætur vegna útgefna hljóð- og myndrita og miðast þá við kaupverð að teknu tilliti til eðlilegra afskrifta.

9.6 Tölvugögn og hugbúnaður bætist ekki.

9.7 Minjagildi bætist ekki.

9.7.1 Vátryggður skal ekki hagnast á vátryggingaratburði. Vátryggingin skal einungis bæta raunverulegt tjón vátryggðs.

9.7.2 Stolnir munir sem koma fram eftir að félagið hefur bætt tjón eru eign félagsins og skal þeim skilað til þess, Vátryggður getur þó haldið muninum ef hann óskar þess með því að endurgreiða bæturnar.

10. Tvítrygging

10.1 Ef sama tjón fellur undir fleiri en eina vátryggingu getur vátryggður valið hvaða vátryggingu hann vill nota þar til hann hefur fengið þær bætur sem hann á kröfu til.

10.2 Ef fleiri en eitt vátryggingarfélag bera ábyrgð á tjóni samkvæmt gr. 10.1 skulu þau, sé ekki um annað samið, greiða bætur hlutfallslega eftir ábyrgð hvers þeirra um sig á tjóninu.

Vátryggingarskilmálar þessir gilda frá
6. september 2017.